

聊齋志異遺稿卷三

淄川蒲松齡留仙著

黎陽段 甦雪亭梓

姑熟胡 泉者島校

鬲津劉瀛珍仙舫編

鹿啣草

甘陵賈汝庚星巖鈔

清源陳廷機省菴校

弋陽馮喜賡虞堂編

關外山中多鹿土人戴鹿首伏草中捲葉作聲鹿卽羣至然牡少而牝多牡交羣牝千百必遍遂死衆牝嗅之知其死分走谷中啣異草置吻旁以薰之頃刻復蘇急鳴金旆銃羣鹿驚走因取其草可以回生

耶齋拾遺

卷三 啣鹿草

一 聚珍堂

小棺

天津有卅人某夜夢一人教之曰明日有載竹筍賃卅者索之千金不然勿渡也某醒不以爲信旣寐復夢見書願願願三字於壁囑云儻渠吝價當卽書此示之某異之但不識其字亦不解何意次日留心行旅日向西果有一人驅騾載筍來問卅某如夢索償其人笑之反覆良久某牽其手以指書前字其人大愕卽刻而滅搜其裝載則小棺數萬餘每具僅長指許中各貯滴血而已某以三字傳示遐邇并無識者未幾吳逆叛謀旣露黨羽盡誅陳尸幾如棺數焉徐白山云